

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KEEMPAT,
PARLIMEN KEEMPAT BELAS TAHUN 2021**

PERTANYAAN : LISAN

DARIPADA : DR. KELVIN YII LEE WUEN [KUCHING]

TARIKH : 23 NOVEMBER 2021 (SELASA)

SOALAN

DR. KELVIN YII LEE WUEN [BANDAR KUCHING] minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan tentang rancangan Kementerian untuk menurunkan harga test kendiri COVID-19 yang penting untuk Pelan Saringan COVID-19 Kebangsaan.

JAWAPAN

Tuan Yang di-Pertua,

Kementerian telah menetapkan harga kit ujian kendiri COVID-19 bermula 5 September 2021 iaitu pada harga RM19.90 (runcit) dan RM16.00 (borong). Penurunan harga kit ujian ini daripada harga permulaan sebanyak RM39.90 amat melegakan masyarakat yang terkesan dari segi perbelanjaan untuk memastikan tahap kesihatan sentiasa baik melalui pemeriksaan kit ujian kendiri ini. Penetapan harga ini telah mengambilkira pemantauan harga yang telah dibuat di pelbagai peringkat untuk menentukan harga kawalan yang munasabah dan kesan daripada faktor persaingan sebelum harga kawalan ditentukan.

Penurunan harga kit ujian kendiri ke paras lebih rendah sedang diperhalusi oleh pihak kementerian melalui sesi libat urus dengan pihak syarikat pembekal kit ujian ini bagi mendapatkan pandangan pemain industri serta agensi kerajaan yang terlibat termasuklah dengan mengambilkira harga jualan kit ujian kendiri setelah saluran penjualan diperluaskan kepada hampir 10,000 premis yang melibatkan pasaraya selain daripada farmasi dan klinik. Kementerian sentiasa prihatin dan akan berusaha sebaik mungkin untuk mendapatkan pertimbangan harga terbaik agar kedua-dua pihak (pengguna dan peniaga) sama-sama mendapat manfaat daripada harga baru sekiranya diperkenalkan.

Sekian, terima kasih.